



Broj: 01-50-4-986-9/20

Sarajevo, 3. 9. 2020.

TUŽILAŠTVO BOSNE I HERCEGOVINE n/r glavne tužiteljice Gordane Tadi

Poštovana,

Na osnovu člana 10. stav (1) tačka a) Zakona o parlamentarnom nadzoru („Službeni glasnik BiH”, broj 25/18), člana 188. Poslovnika Predstavničkog doma Parlamentarne skupštine BiH („Službeni glasnik BiH”, br. 79/14, 81/15, 97/15, 78/19 i 26/20) i člana 3. stav (2) Poslovnika Privremene istražne komisije Predstavničkog doma Parlamentarne skupštine BiH za utvrđivanje stanja u pravosuđnim institucijama Bosne i Hercegovine, Privremena istražna komisija je na 9. sjednici, održanoj 3. 9. 2020, jednoglasno usvojila sljedeće:

ZAKLJUČAK

Privremena istražna komisija poziva glavnu tužiteljicu Tužilaštva Bosne i Hercegovine Gordanu Tadi da se pojavi na svjedočenju pred Komisijom u ponedjeljak, 14. 9. 2020, u 13 sati.

U skladu s tim zaključkom, 10. sjednica Privremene istražne komisije **na koju ste pozvani u svojstvu svjedoka** bit će održana **u ponedjeljak, 14. 9. 2020, s početkom u 13 sati, u Plavoj sali** u zgradi Parlamentarne skupštine Bosne i Hercegovine, Trg BiH 1, Sarajevo.

Tema svjedočenja odnosi se na ciljeve Privremene istražne komisije. Članom 2. Poslovnika Privremene istražne komisije propisano je: „Privremenu istražnu komisiju osnovao je Predstavnički dom s ciljem da istraži stanje u pravosuđnim institucijama u Bosni i Hercegovini, s posebnim osvrtom na sposobnost Visokog sudskog i tužilačkog vijeća (VSTV) da učestvuje u procesima neophodnim na putu Bosne i Hercegovine ka članstvu u Evropskoj uniji.“

U skladu s članom 6. stav (2) Poslovnika Privremene istražne komisije, svjedoci imaju prava i dužnosti utvrđene Ustavom BiH, Zakonom o parlamentarnom nadzoru te Poslovníkom Predstavničkog doma.

Podsjećam da je Privremena istražna komisija na 6. sjednici, održanoj 6. 7. 2020, jednoglasno usvojila sljedeće:

ZAKLJUČAK

1. Privremena istražna komisija poziva glavnu tužiteljicu Tužilaštva BiH Gordanu Tadi, predsjednika Suda BiH Ranka Debeveca, tužioca Tužilaštva BiH Miroslava Markovića, sudiju Vrhovnog suda Federacije BiH Gorana Nezirovića, profesora Edina Šarevića i profesora Zorana Pajića da se pojave na svjedočenju pred Komisijom na jednoj od narednih sjednica i da se datum biti naknadno određeni.
2. Zadužuje se sekretarijat Komisije da stupi u kontakt s navedenim osobama, s ciljem razmatranja najoptimalnijeg datuma za njihovo svjedočenje pred Komisijom.

Kako sekretarijat Privremene istražne komisije nije dobio odgovore na upite koji su Vam dostavljeni u skladu sa stavom 2. tog zaključka, Privremena istražna komisija na 7. sjednici, održanoj 23. 7. 2020, jednoglasno je usvojila sljedeće:

ZAKLJUČAK

Privremena istražna komisija daje ovlaštenje predsjedavajućem ili zamjeniku predsjedavajućeg da se mogu obratiti sa zahtjevom za saradnju pozvanim osobama ili institucijama, svaki put kada sekretari Privremene istražne komisije ne ostvare kontakt sa osobama pozvanim na svjedočenje ili se Komisiji ne dostave traženi materijali.

Kako Privremena istražna komisija nije dobila odgovor na akt broj: 01-50-4-986-7/20 od 23. 7. 2020, kojim je, u skladu s tim zaključkom, traženo da Privremenu istražnu komisiju obavijestite o raspoloživim terminima, u periodu između 24. 8. 2020. i 11. 9. 2020, radi zakazivanja Vašeg svjedočenja pred Privremenom istražnom komisijom, Privremena istražna komisija je na 9. sjednici **odlučila da Vas pozove da se pojavite na svjedočenje 14. 9. 2020. u 13 sati, kako je i navedeno.**

S poštovanjem,

**PREDSJEDAVAJUĆI
PRIVREMENE ISTRAŽNE KOMISIJE
Damir Arnaut**

Dostaviti:

- naslovu
- a/a